

臨清縣志

首


冊

1940.237

42

部 2.12.14


臨清縣全圖




圖例	縣界	區界	河流	沙地	大路	電線	學校	區公所	鎮	堤	上戶村	下戶村
●	—	- - -	~	▨	—	—	○	○	◎	—	○	●



臨清縣城區圖




臨 濟 縣 地 質 圖



例 圖

沙質壤土	壤質壤土	純沙土	城土	區界	縣界



臨清縣沿河開勢圖



例圖

沙岸及樹株	險要工程	橋	閘	渡口	縣界	村莊	道路	河流

影攝員會體全會員委志修縣清臨



山東省第二路國民團指揮部



臨 清 縣 政 府



永 豐 永 備 二 倉




謝茂秦故里碑

(在廣積門外)




王烈士朝佐祠堂碑



南林雙檜碑

(現存大佛寺)



明方元煥書忠孝碑之一



明方元煥書忠孝碑之二



忠孝碑陰方元煥書孝經文

孝經文
方元煥書

夫孝天之經地之義民之行也
天地之經莫大於孝
民之行莫大於孝
先王之法莫大於孝
君子之德莫大於孝
孝之經也
夫孝天之經地之義民之行也
天地之經莫大於孝
民之行莫大於孝
先王之法莫大於孝
君子之德莫大於孝
孝之經也



文廟全景

方元煥書第一山碑



宋米芾書寶藏碑



清羅企襄書無能名匾



清王穀書沙邱古渡匾



（土大音觀）像佛銅寺寧淨



淨寧寺後大殿山塑佛像



永壽寺銅佛像（千手千眼）



永壽寺關公銅像



唐吳道子畫關公像



坊孝節氏林外門南



衛河東岸禮拜寺水閣






塔 利 舍



樓 秀 啟



鳳凰嶺下



景全山土




天寧寺唐槐




井蔭槐古園林

松 孤 郊 東






省立清初級中學校門



六縣聯立鄉師範



省立棉業試驗場



禮拜寺下衛河風景



三 元 閣 前 衛 河 風 景



景風河汶東口閘頭



臨清進德分會全景

山東臨濟進德會舉行開幕典禮省政各廳各縣代表並臨齊黨政軍學紳商各界全體民眾五萬人攝影紀念二十三年元月



序

余駐兵臨境三年於茲戎機之暇考察是邦文獻而道聽塗說莫衷一是蓋縣志之缺修者百數十年矣自前清末造繼修者凡四次或淺嘗而輒止或半途而中輟或功匱於一篲良以地處通津政事綦繁而又數經兵燹載籍多缺陵夷至今萬緒待理已有刻不容緩之勢若再蹉跎歲月坐令掌故銷沈後之人雖欲搜訂亦何從而求之者二十年夏邑紳張秋潭首倡重修縣志之議余聞之喜其事而知其難並皇然於主編之人選也乃採訪久之編纂久之甫經脫稿而邑之名流文士僉以爲未當於是推翻前轍改絃而更張之期年成書就正於余余涉獵一周見其條目分明敘述詳盡草創潤色兩有可觀凡地理人事政治經濟教育實業與夫今昔代謝之關文野遞嬗之跡無不窮源探本博考而備書之洵現時代之作品非徒以述古稱也有志文獻者庶幾得所問津焉

臨清縣志

序

第二路民團軍總指揮趙仁泉書

序

魯西重鎮古稱清淵縣志失修百五十年文獻無徵掌故就湮大雅不作考訂維艱重修數度終未成篇寂寂至今遺憾當前翳自麟經絕筆信史無傳檣杌志乘同病相憐後有作者拘墟謬牽略今詳古故轍同沿惟是時事風雲變遷民俗國政滄海桑田墨守舊株寧非枯偏幸於去歲提議重編此邦人士共任仔肩搜羅散失力瘁心研經年草創潤色精妍義取平時例不背先洵稱傑著非同偶然

第二路民團指揮部參謀長申景蘇識

臨清縣志

序

二

重修臨清縣志叙

余閱臨清縣志所載皆百餘年以前事自清乾隆末葉以迄於今
文獻無徵讀者憾焉民國二十年夏始有續修之舉第事蹟中闕
得諸父老傳聞又語焉不詳且時易勢殊國體更易採錄今事似
尤有重於考古者是以當局諸君子博訪周諮閱時三載一再易
稿舊者宜補補之新者宜增增之附圖備像列表補註凡五十萬
言日十有二計日可付梓矣是編之作也名雖爲因實則爲創幸
諸君子竭其心智彙集成書不格於舊例不務於詞華事徵諸實
義取乎時舉凡考詢所獲及與近今社會經濟有關者莫不類分
項別井然有條故政俗之沿革文化之升沈民生肥瘠之原商業

臨清縣志

序

三

羸虧之數無不臚陳梗概諸君子之有功是邦文獻者不亦多乎
是爲序

中華民國二十三年十一月實授臨清縣縣長兼督修徐子尙敬
題

重修臨清縣志序

縣志者所以志一縣之事國史之具體而微者也惟自麟經絕筆吾國數千年來有君史而無民史有官府史而無社會史凡秩官鄉賢勳閥選舉科第人物大而陞遷去留小而軼聞瑣事靡不旁求博徵記載精審而於政俗之變遷文化之升降經濟之贏縮以及農工商業之演進與衰落則略而不書或語焉不詳其失也詳人而略事重古而輕今參觀各縣志乘今昔同轍如一丘之貉非獨吾縣舊志爲然也雖然專制之朝政體所限非此不足稱信史非此不足徵文獻稍違其例則歧而外之曰野史夷而棄之曰稗史入主出奴之見演爲風氣後之作者又多顧忌瞻徇而莫敢獨

臨清縣志

序

四

異於是乎直筆絕而史道荒矣不知春秋爲史家所宗而桓正文譎所載莫非時事詩書開紀錄之始而豳風無逸立言不遺農村舍此而言史是直爲陳人塑偶像耳爲官吏作年譜耳然則志何補於縣縣亦何貴而有志哉記有之曰時之爲義大矣今者國體非故思潮更新學術事業進步蒸蒸日上之勢若生今反古墨守故株更何以覘世變而應時需者此吾縣續志之所由作也然而作志難作臨清志尤難續作臨清縣志於今日則難之又難臨清以衝繁疲難之地當汶衛交通孔道其事蹟其俗殊其因革治亂波逐而雲詭雖假以時日廣爲搜訂而罅漏之譏猶所難免况縣志自清乾隆五十年失修百五十年中迭經兵燹圖書

典籍半付灰燼採訪編纂勢處兩困加以民國二十年來戎馬倥
惚地方多故檔冊缺殘稽考棘手而又名流凋喪秉筆無人於斯
時也述往事則傳聞異詞紀新聞則朝興夕革其中困難實百倍
於鄰封亦勢之無可如何者也二十二年夏郡人議修縣志復奉
省府通令規定修志大綱梅以菲材濫竽斯役汲深綆短知難勝
任惟本管見所及爲之網羅散失考察現狀歷時年餘與張君秋
潭王君晉庭孫君東閣分任而共成之志類十二凡五十萬言於
人羣代謝社會文野言之縷縷俾後之讀者得以明其乘除遞嬗
之跡而知所改進聊以存一邑之掌故而備國史之縮影義取乎
時言不擇雅辭費之嫌未遑辭也民國二十三年十一月邑人張

臨清縣志

序

五

樹梅識

重修臨清縣志序

民國二十三年一月山東省府主席 韓公以方志之修關於地方政治文化者至重且鉅於是通飭屬縣各修厥志無久無近尅期赴功筮以其時適與於臨清縣志編輯之役未匝年志書告成同人等以筮從事斯役較久今幸觀厥成對於修志之經過與同人之指趣均不可以無言筮辭不獲已乃曰邑志者上以供國史之蒐討而下以徵地方之文獻者也顧其間今古異時質文異變因革異俗新舊異宜且也事不核不足以信今言不文不足以行遠然則操觚之士欲兼三長而衷一是蓋綦難哉臨清縣志自清乾隆間重修後距今殆一百五十年矣中更多故簡冊蕩然光緒

臨清縣志

序

六

以來屢議興修而未果民國二十年邑人張君秋潭始倡議重修乃招集各界人士開會議決籌備進行次年迄今筮以菲材與侯君介石張君仲修孫君東閣等先後担任編纂惟茲事體大繁重難膺自愧疎庸見聞不逮兼以取材未富參考乏書備檢閱者除省志縣志及其他縣志三兩帙外概屬缺如於是同人撰述下筆爲難往往因一例之商榷一事之搜求智盡能索各瞠目不作一語有時忽矜得解相視而笑振筆即書曾不踰時又成芻狗以故分門別類之中或再易稿而始定或三易稿而猶弗定甚或審定以後已發繕矣因新有發見久定者又忽而難定人或譏爲道旁築舍而不知實其難其慎未敢掉以輕心也昔劉知幾作史通謂

載筆難其人章實齋論修志謂義例不可苟然則處道喪文敝之餘聚三數章縫吮墨濡毫妄意千古不朽之業可謂無人矣當時指摘其又奚辭顧載離寒暑卒底於成事務翔實言戒榮華是編體例雖未能登著作之堂然以備一邑之掌故而副省憲之殷心舍是又將何以哉清平王貴笙序

嘉靖辛酉修舊志序

州舊有志凡再舉矣余往爲諸生嘗厠局末顧始者例行而事逸其後附聞望以爲雄據浮冗以爲富觀者咸無取焉州伯無錫成公祇敷政教旁及茲典而南充張公海陽成公並以憲節提兵在州因爲文以請二公是之授以審畫乃介同知秀水張君卽愚謀焉愚謝不敏者三又竊念身州產也曾無寸効輒黽從事夫今州縣古列國也志列國史也昔者魯史聖人作之以道權天下之是非豈易言哉顧吾州肇基西京受名後趙徙置不常雖彈丸之封入國家則漕川之委匯畿甸之喉襟鬱爲南輔稱雄海內故斟酌物軌之變圖惟窳隆之風要非他土比也紀覈不密烏望嘿定

臨清縣志

舊序

八

而神移之此三更輯正豈嫌複哉陸次公有言志一方而天下可徵矣此之謂也若曰政不必皆官識法者卽可立教不必皆師見道者卽可端則吾豈敢則吾豈敢兩江方元煥序

州地於古當中原之都會明興肇建兩京而吭揜輻持於其中昔人謂鑠天中區控地四鄙咽喉九州闔域函夏吾於臨清亦云歷二百禩祖宗之經畫風氣之滲漉人文政紀隳焉流錯比予剖竹承乏皇皇如也將披圖籍以求康治之計顧舊志者多歷年所鏡往證今無從矣適石洲張公井居張公先後明釐茲土憲得伏臺議之咸謂詩幸典型之尙在孔惜文獻之無徵盍慎圖之因出憲帑以俾成事殿撰兩江方君博物洽識時稱良史之才乃肅幣禮

請君方讀禮而綜研有暇力不再月其藁帙設表體國取裁於職
方總核物賦摹形於禹貢續緝典訓準義於尙書苞舉庶類叅侔
於國史天人之際事物之宜如視諸掌予曰懿哉州化其絲成與
或稱州夙治仍之如何夫漢風淳而禁網疏文翁修其責唐民靡
而吏治詳常袞道以雅故土沃棘則錯財用俗登下則易化術時
常變則兵張弛獄繁靖則刑慎濫風移思變民襲尙革皆政之不
可但已也是故覘幾敷化相瘍投砭上裨王甌下視民常志之望
漏奚訓矣仍其故豈專城者之思居哉若其作述體備是非大公
卓然勒成一家之語臨清自有他州自無世有具眼當必識之后
山成憲序

臨清縣志

舊序

九

康熙壬子重修舊志序

自倉頡作書制文字已肇萬世作志之鼻祖矣由斯以譚六經皆
志也而不以志名謂天地古今事物之所陳者綜其全雖在聖哲
莫之能損益也故尊之曰經經史志同出而異名不相離也自班
固纂十志曹大家註補志嗣是歷代之作志者如充棟而審所尙
大抵史簡而嚴志繁而寬史必衷之館閣志不褻夫韋布昔關尹
喜有云室中有常見聞矣既而之門之鄰之里之黨見聞各異既
而之州之山之川見聞又各異信夫高之存金玉卑之存瓦石形
上形下皆道皆器而猥以六經史記盡之則是造物者寂甚矣故
一州一邑必有志歲壬子之秋俞旨修志憲檄行州膺斯任也遵

何道而快愉嘗試度之天下至大四海至廣計清源一州不猶大塊中之一微塵乎州有志不猶列星中之一孤曜乎志有修不猶黃鐘之奏一細響乎不知大塊者微塵之積列星者孤曜之聚黃鐘者細響之推也此固然其無足怪而况清源由縣升州地居神京之臂勢扼九省之喉連城則百貨萃止兩河而萬艘安流或耕或商或游如織如鶩如歸旣鄒魯文學本於天性復燕趙悲歌出自慷慨懿哉若乃高阜長隄橋樑塔寺諸景勝難以瑣舉雖無名山之觀而亦匪僻壤可比誠東南之一大都會也披舊志修於明嘉靖辛酉州孝廉元煥方公筆也方善古文詞以字學名天下跡其所編記無愧劉知幾三長之說矣顧事不一手如錢糧正供也

臨清縣志

舊序

十

而雜之於土產兵防戎政也而牽之以武科空載羣書之名概曰藝文長言路氏之譜無與獻徵甚之有不必書而書者有當書而不書者有旣已書者矣而又爲複說以書之者何多舛也用是與州紳前刑科掌印給事海若胡公偕衆紳士而謀之而釐正之而博採之求之自舊志迄今一百一十三年之實錄務使洞如秩如罔敢失墜上之不負朝廷之鉅典次之不負憲臺之明訓中之不掩前人之美誇示抑揚下之不叢後人之疑以爲矜才好議者口實斯志成而亦可以無憾矣或曰志成俾司牧者得觀覽焉歷考古來循吏如龔黃召杜卓魯輩績人人殊曾未聞以志書爲衣鉢而收効於芟芟之餘無亦唯是天地古今事物之所陳者不可不

詳也雖然爲之者亦極難耳漢司馬遷作史記班固譏之班固作漢書范曄譏之范曄作東漢書晁氏陳氏譏之逮宋司馬光作資治通鑑而胡文定又有舉要補遺之作救其失州志一方之書也不可同年而語第以簿書下吏成於心手之交才弗克荷聞見又寡不有名世之筆削敢付良工而刊垂三韓于睿明序

清源東郡名區西北控燕趙東接齊魯南界魏博河運直抗京師水陸交衝畿南一大都會也予髫年計偕過之景物蕭條所見不逮所聞今秋承乏蒙上臺檄催暫署州事予以代庖驅車入境見其甲第連雲人物熙穰漕運萬艘啣尾北上市肆擊肩摩不減臨淄卽墨猗歟盛哉非聖天子德化淪洽涵濡烏能頓復中原承

臨清縣志

舊序

十一

平之舊如此哉迨入署受事因念古人三宿桑下尙爾有情郭林宗逆旅一宿亦掃地而去况予承上臺委任之重受代亦必數月敢以五日京兆蘧廬傳舍視之而不一留心民瘼哉於時州志垂成予得受而卒業焉見其義例詳明褒貶不苟足以彰往勸來有班馬遺風可以傳矣尤於國計民生三致意焉知良有司棠陰之蔭遠而賢鄉紳桑梓之情殷故爲之計長久如斯也予因而考民生之利病稽民俗之奢儉乃作而嘆曰是不能不深吾隱憂矣今之清民可謂盛哉即使其極盛也壯陽之下一陰已伏月盈日昃已厯有識之慮况所謂盛者特郭廓耳外腴而中枯貌有餘而內不足也蓋此地五方走集四民雜處商賈輻輳士女嬉遊故戶列

珠璣家陳歌舞飲食燕樂極耳目之觀此見吾善者幾也至於本境之民逐末者多力本者少徭役之煩牽輓之苦四郊之外有家無儋石半菽不飽者歲比不登一有風塵之警獸窮搏人鹿挺走險其煩有司之區畫者多矣昔宋太宗上元宴羣臣見樓下士民喧集指謂輔臣曰五代生民凋瘁極矣不意今日富庶如此輔臣對曰輦轂之下易見有餘都城之外便有民不聊生者上爲之憮然今日之清何以異此救敝起衰何從着手能使國奢示儉國儉示禮乎能驅逐末盡緣南畝乎能秉光明燭照流亡之屋乎能使市無佩犢野有馴雉乎力所不能爲而時所不及爲者種種也予所以顧影汲汲惜陰愛日留一日爲一日之事寬一分使民受惠

臨清縣志

舊序

十二

一分聊以盡吾心以莫負上臺委任之重而已予猥以菲材拔自先帝縮銀黃而付民社者有年每思報稱無地今日借以慊夢魂酬知己又烏容已哉志成敬題數語使後之覽者肯以不佞之心爲心則清民庶可瘳乎予且暮望之矣練水賀王昌序

志以攷盛衰觀得失政教於是出焉臨清自元開渠通運明初復加疏鑿爲輓漕之喉爲萃貨之腹舟車絡繹商賈輻輳天下之行旅出乎其塗歸然一重鎮矣由永樂以迨我朝臨清置三倉歲受山東河南之粟以節漕力戶部官屬蒞之國家凡有營建恒需輒臨清因帆檣之集而以輒附之設工部營繕司員外郎於其地督徵輒價分窰成造輸之京師宣德十年置清源關權稅以御史領

之宏治初戶部歲出主事一人景泰以來屢以文武重臣奉勅臨
涖天順間以中官爲鎮守爲督餉更代數十年不絕備兵則有東
昌道武有總戎設左右中前四營遊守各四員額兵四千人由是
兵民錯處豐阜之餘習於侈靡後漸裁併而市廛闐闐日亦衰落
康熙癸丑歲州人孔大叅序舊志不勝俯仰之感迄今又八十年
矣乃民貧而俗尙不易僕亦綺羅婢皆翡翠陳歌設舞不必縉紳
婚喪之儀越禮踰制而不顧驕奢相效巧僞成風豈獨外腴中枯
已乎識者有隱慮焉俊承茲土之乏思所以維之而材力弗逮七
年之久未能有所移易傍徨怵惕中夜自訟因志之成爰書之以
彰吾失冀後之君子力爲補救焉念我皇上視民如傷各憲臣痾

臨清縣志

舊序

十二

瘵一體敝政盡除而民間生計轉蹙年穀屢豐而市價未甚平減
此不獨一邑爲然而清尤甚牧民者其何以籌之志爲類二十有
六山川漕運人物列女手自編輯他類之蒐羅薈萃則同寅李蔚
林之力居多雖然敢曰可以信今而傳後哉覽者或於盛衰得失
之故微有徵焉已爾其詳已具凡例茲不載是爲序乾隆十四年
己巳十二月知臨清州事婁東王俊序

乾隆壬寅重修志序

乾隆四十一年皇上用大臣議進臨清爲直隸州而屬以武城夏
津邱縣體崇事殊非復屬東昌時比且舊志之修距今已三十餘
年歲丁酉部檄曰其修州志頃憲檄又督催嚴度適承乏於此其

何可復諉攷之古天子巡守命太史陳詩觀民風命市納賈觀民之所好惡而周禮地官土訓掌道地圖誦訓掌道方志王巡守則夾王車是蓋志書所由昉而守土者之職卽於此具焉固不徒備史館之採擇已也我皇上東巡南巡回鑿時閱視運河必經臨清且爲駐蹕所然則地方之利弊皆在睿鑒之中志之修也其何可以不虔且慎夫地域古掌於封人志之則欲其經以畫也都邑古掌於縣師志之則欲其修以固也志田賦古載師所掌則觀其任之者何政志戶口志物產古閭師所掌則觀其任之者何事若學校若選舉在古卽屬鄉大夫與州長之職則欲其以勸而以戒贊廢而贊興也人物是志賢者在焉所當尊列女是志風化關焉所

臨清縣志

舊序

十四

當旌至於倉儲關樞一則生民之命脈一則國家之經費繫之而兵防則又衛國與民者也將來皇上南巡有司以是自述其職守聖天子卽可以洞察其能否然則是志之修豈徒補舊志三十餘年來之典故哉度初膺民人之寄日以此爲兢兢故修志一役不敢少諉更不敢不虔且慎而時思靖共其職以上報也署知臨清州事紅亭張度序

臨清直隸州志序

書與志同起於一時皆自包犧氏始蓋天下之大經大法必藉志而詳志卽考也自龍門扶風立史志書遂爲正史定名江淹云修史之難無出於志矧其爲郡邑志乘備輶軒之所採恭紀時巡觀

民好惡尤宜考核精詳者耶我聖天子建極之四十一年特進臨清爲直隸州按清淵自漢置縣逮明孝宗朝遷秩爲州以屬東昌自元開渠通運爲輓漕之咽喉當舟車水陸之衝固商賈輻輳之區也且近畿南數百里間沐聖朝之休養教化浹髓淪肌風俗民心悉歸醇厚凡夫倉儲關樞戶口田賦學校屯衛莫不修舉是皆我皇上湛恩汪濊之所致洎茲土者有不歡忻紀實以揚休命於無疆也哉希曾承乏是州值前任張公修志未竣因於公餘細校其魯魚亥豕編輯攷訂付梓以踵其成并恭紀邇年來我皇上南巡回鑾御製詩及五十年加恩賞給兩月口糧凡臣民之感戴皇恩於靡旣者皆司民牧者之所宜拜手而颺言者也若夫蒐羅薈

臨清縣志

舊序

十五

萃則同寅張公之力居多而蹟之散見於前志者悉可順而撫也夫我朝重熙累洽桑麻井里無一不厯宵旰之深衷而德洋恩溥足以信今而傳後者尤宜敬謹備書以爲志乘之綱者也爰撮其要以補前志之所未備焉是爲序乾隆乙巳知臨清州事宛平鄧希曾序

凡例

舊志之修距今約一百五十年中間世故紛更冊籍寥落况近來國體既變事例自殊既不能斷代爲書則體裁所關勢必有因有革

本邑明季舊志(邑人方元煥修)久已無存茲編所依據者爲清康熙壬子之于志(知州于睿明修)及乾隆壬寅之張志(知州張度修)至於乾隆己巳重修之王志(知州王俊修)則已無從考索

本志自前清光緒季年屢議續修僅存稿本五册迄未刊有成書茲編除據于張二志外前稿所載亦多採取

臨清縣志

凡例

十六

武城夏津邱縣舊日皆屬臨清今既不相隸屬除在疆域沿革表內說明與三縣關係外餘不復載

舊志以宸章御翰恩卹冠諸卷首今代易時移其宸章御翰有關民生利病者收入藝文至恩卹事實則彙入大事記

近代邑乘於犖犖大端多編年載筆以明綱要茲編亦沿斯例由秦迄今凡關於本邑大事莫不提要鉤玄用冠本志之首

舊志分類十一今則擴爲十二曰疆域曰建置曰秩官曰選舉曰人物五者名與舊志同者也曰田賦曰學校曰典祀曰關權曰兵防曰事類六者舊有而今無者也曰大事記曰經濟曰教育曰禮俗曰黨務曰防衛曰藝文七者今有而舊無者也變而通之務期

盡利（舊志寓賢擇尤併入人物志內）

舊志田賦關權併於經濟學校易名爲教育典祀併於禮俗兵防易爲防衛而事類中之藝文則列爲專門並以雜俎附焉

民國成立實賴黨權本邑新政繁興凡關於黨治設施者特另闢一門以昭鄭重

人物一門善善從長但有一行足風亟當登之簡冊用昭激勸

繪圖列表簡而易明本志時更兩代事集百端特多置圖表期收執簡馭繁之效

舊日邑志每載八景十景等目然筆墨記載不如攝影之工茲將本邑風景名勝多種攝爲照片附諸圖後庶幾千載如見

臨清縣志

凡例

十七

科學昌明民智日開凡一切事涉怪誕迹近矯誣者概與刪除惟間有稍裨風化無傷雅道者則附入雜俎以備參考

前人作志文每勝質按之史例或有未安茲則紀事務求翔實行文必歸簡要庶不背謹嚴之旨

舊日書籍皆以卷計茲爲正名起見易卷爲冊冊之巨者則以次第別之

是編爲時日所限校讐頗疎亥豕魯魚深恐不免尙望閱者加以是正爲幸

修志姓氏

督修

實授臨清縣縣長徐子尙

監修

前長清縣縣長張自清

前長岳鎮守使車震

前河南開封道道尹孫百福

前陝西教育廳廳長沙明遠

縣政府第三科科长田澤溥

協修

臨清縣志

修志姓氏

十八

邑優廩生崔長楷

前陝西候補知縣邑庠生孫鑑藻

縣政府第五科科长葉成德

前教育局局長潘雲龍

總纂

己酉科優貢山東優級師範選科畢業張樹梅

己酉科拔貢湖北補用知縣清平王貴笙

分纂

國立北京高等師範畢業聯立鄉村師範校長孫寶賢

邑庠生侯錫琳

採訪

山東高等學堂畢業前勸學所所長 于占元

陳憲琦

邑 庠 生 郝光藩

邑 庠 生 郭書田

邑 庠 生 徐翰香

邑 庠 生 侯長泰

邑 庠 生 馮鏡蓉

前 勸 學 員 崔登雲

尖 塚 鎮 鎮 長 鮑雲龍

臨清縣志

修志姓氏

十九

中央第三十八師書記官 馬瑛

邑 庠 生 劉濟川

邑 庠 生 黃葆元

陳祿昌

邑 庠 生 李康祖

余圻

校閱

邑 庠 生 李而康

事務員兼書記

省立第七中學畢業前視學員 馬肇乾

委員會委員

前長清縣縣長張自清

前陝西候補知縣邑庠生孫鑑藻

縣黨部委員謝燦章

己酉科優貢山東優級師範選科畢業張樹梅

高級小學校長田繼光

縣政府第三科科长田澤溥

日本東亞鐵道學校畢業鍾蘭牲

臨清省立初級中學校長張元亨

邑庠生于德和

臨清縣志

修志姓氏

二十

前教育局局長潘雲龍

縣政府第五科科长葉成德

邑優廩生崔長楷

邑庠生李而康

前武訓學校校長王丕顯

邑庠生趙月潭

六縣聯立鄉村師範校長孫寶賢

臨清縣志目錄

一 圖像

二 序

三 凡例

四 修志姓氏

五 大事記

六 疆域志

七 建置志

八 經濟志

臨清縣志

志目

一

九 黨務志

十 教育志

十一 禮俗志

十二 防衛志

十三 選舉志

十四 秩官志

民國縣州屬秩官表	民國駐防將弁表	明清駐防將弁表	唐宋金縣屬秩官表	清州屬秩官表	歷代名宦傳
----------	---------	---------	----------	--------	-------

議員區長	精餉制	兵制	精餉制	兵制	精餉制
學校畢業	學校畢業	學校畢業	學校畢業	學校畢業	學校畢業
軍功及其	軍功及其	軍功及其	軍功及其	軍功及其	軍功及其
其他	其他	其他	其他	其他	其他

習尚	祀典	禮俗	祀典	禮俗	祀典
游藝	游藝	游藝	游藝	游藝	游藝
儀節	儀節	儀節	儀節	儀節	儀節
譜錄	譜錄	譜錄	譜錄	譜錄	譜錄
謠諺	謠諺	謠諺	謠諺	謠諺	謠諺

縣黨部	民衆團體
-----	------

農業	工藝	商業
----	----	----

官田產賦	鹽捐租	金融稅	物產
------	-----	-----	----

交通類	實業類	政治類	實業類	政治類	實業類
慈善類	旌表類	文藝類	旌表類	文藝類	旌表類
名勝類	宗教類	宗勝類	宗教類	宗勝類	宗教類

沿河渠	面積	區里	古蹟
-----	----	----	----

十五 人物志
十六 藝文志

顯達
藝術
金石

義烈
列女
傳記

篤行
詩詞

文苑

臨清縣志



志目

二

大事記 起秦始皇二十六年訖
中華民國二十三年

秦

始皇二十六年庚辰置鉅鹿郡 鉅鹿趙地在今河北省平鄉縣邑舊屬之或曰隸東郡

三十七年辛卯始皇東巡還至平原津而病至沙邱崩 沙邱在縣境西八十里按地理

志沙邱
在平鄉

漢

高帝十二年丙午改鉅鹿為魏郡 領縣十八
清淵屬之

武帝元光三年己酉河徙頓邱 今清豐 夏決濮陽 今滑縣 自是北流至郟

今臨清
夏津間 無水患

元封二年壬申帝如東萊還築宣房宮自是導河北經貝州渠東

臨清縣志

大事記

入海 貝州渠故道
在境內今沒

五年乙亥初置十三部刺史 魏郡清淵隸冀州刺史

元帝永光五年壬午河決館陶分為屯氏河入海 屯氏故道
今在縣境

成帝建始四年壬辰河決以屯氏河塞雨水灌四郡二十二縣 水居

地十五萬頃深三丈壞
官亭室廬且四萬餘所

新莽始建國三年辛未河決魏郡泛清河以東數郡 通鑑

更始二年銅馬賊數萬入清博光武擊之

魏

太和六年壬子以司隸冀州屬析置司州 縣屬
州境

晉



永嘉元年丁卯荀晞大破汲桑於東武陽桑退保清淵荀晞追擊

破其壘通鑑

咸和四年己丑秋趙徙氏羌十五萬落於司冀二州十六國春秋

後趙

建平元年改清泉縣為臨清縣隸建興郡縣名始此舊志

隋

大業四年戊辰春開永濟渠引沁水南達於河永濟渠即臨清御河

九年癸酉楊玄感將襲洛陽修武縣人相率守臨清關玄感不得

濟北史

十二年丙子張金稱等寇掠河北營於平恩太僕楊義臣討之引

臨清縣志

大事記

二

兵直進抵臨清之西據永濟渠為營勒兵不戰夜簡精騎自館

陶濟河擊之金稱大敗舊志

唐

開元二十八年庚辰秋九月魏州刺史盧暉開永濟渠通志

天寶十五載丙申顏真卿破賊將袁知泰於堂邑師次臨清

寶應元年壬寅十一月史朝義走貝州僕固瑒追至臨清大敗之

朝義奔莫州通志

永奉七年壬子春正月以魏州臨清縣之張橋店置永濟縣舊唐書代宗紀

興元元年甲子春正月朱滔引兵至永濟約田悅會館陶悅辭滔

大怒拔宗城鑑城冠氏等城縱回紇掠館陶分兵置吏守平恩

永濟舊志

乾寧三年丙辰秋九月河東將李存信攻臨清敗汴將葛從周於

宗城北通鑑

光化二年己未幽州節度使劉仁恭陷貝州朱全忠葛從周合兵

敗之從周乘勝追北至臨清仁恭還幽州通鑑

天祐四年丁卯劉仁恭山後巡檢使李承約以騎兵奔晉晉王以

為匡霸指揮使從破夾寨戰臨清舊志

五代

梁乾化元年辛未晉將周德威自臨清攻貝州拔夏津高唐舊志

二年壬申冬十一月趙將王德明掠武城至臨清楊師厚伏兵擊

臨清縣志

大事記

三

破之綱目及通鑑

貞明元年乙亥夏晉王令馬步副總管李存審自趙州引兵進據

臨清劉鄩屯洹水晉王引大軍自黃澤嶺東下與存審會於臨

清舊志

劉鄩知臨清有蓄積欲據之以絕晉糧道周德威急追鄩再宿

至南宮遣騎擒其斥堠斷腕而縱之使言曰周侍中已據臨清

矣鄩軍大駭詰朝德威掠鄩營而過入臨清鄩引軍趨貝州舊志

唐天成元年丙戌春二月楊仁晟部兵皇甫暉作亂殺仁晟奉趙

在禮為帥焚掠貝州南趨臨清永濟館陶舊志

晉天福二年丁酉夏五月天雄節度使范延光進封臨清王

三年戊戌冬十一月范延光入朝升貝州爲永清軍今武城臨清夏津恩縣等地

漢乾祐元年丁未冬十一月高行周加守太尉封臨清王綱目及通鑑

宋

建隆元年庚申復升貝州爲永清軍節度

兩雹傷稼

熙寧元年戊申秋七月新堤第四埽決漂溺館陶永濟清陽以北

通鑑

元

至元二十六年己丑春正月罷膠萊海道運糧萬戶府開會通河

夏五月御河入會通渠元史

臨清縣志

大事記

四

延祐三年丙辰春二月調海口屯儲漢軍千人隸臨清運糧萬戶

府以供轉漕元史

致和元年戊辰文宗立調臨清運糧軍三千五百並御河分守舊志

至順元年庚午饑賑東昌及濮州臨清館陶二縣通志

至正二年壬午冬十二月以戶部郎中蓋苗爲山東廉訪副使臨苗

清人見人物志

四年甲申夏六月河決金堤北侵安山沿入會通運河元史

七年丁亥夏四月臨清盜起元史

二十八年戊申秋七月明大將軍徐達副將軍常遇春分道渡河

徇河北地師次臨清續通鑑

明

洪武六年癸丑夏六月武朔等州告警大將軍徐達駐師臨清遣

臨江侯陳德鞏昌侯郭子興將兵擊之舊志

十一年戊午春進封湯和為信國公數出中都臨清北平練軍伍

完城郭列傳

十二年己未春二月太祖命信國公湯和率列侯練兵臨清賜賚

有差明史

二十四年辛未夏五月漢衛谷慶寧岷六王練兵臨清是歲儲糧

十六萬石於臨清以給訓練騎兵通志

建文元年己卯春三月都督宋忠徐凱等帥師屯臨清通志

臨清縣志

大事記

五

二年庚辰冬十一月燕兵至臨清本紀

永樂九年辛卯春二月命工部尚書宋禮濬會通河明史

十年壬辰夏四月命宋禮經理衛河明史

十三年乙未夏六月山東水溢壞廬舍沒田禾臨清尤甚明史

十五年開會通河南河舊志

宣德四年己酉夏四月命工部尚書黃福平江伯陳瑄等經略漕

運通志

九年甲寅冬十月發臨清倉賑饑民是歲濟南東昌兗州旱通志

十年疏臨清衛河通志

正統十四年己巳秋八月上北狩命平江伯陳豫守臨清舊志

景泰元年庚午陳豫以兵寡請於朝調濟寧左衛守臨清東昌志

七月築縣城舊志

成化間王信督南陽軍務賊首李原等亂信與項忠討平之擢署

都督僉事鎮守臨清舊志

弘治二年升臨清縣為州領館陶邱縣二縣

十七年甲子遣大學士李東陽祭告孔廟巡視臨清灾况

正德六年辛未霸州盜劉六劉七等掠博平夏津等處陷高唐武

城詔遣兵部侍郎陸完提督軍務駐兵臨清討之王俊舊志曰按通志載游擊許泰破

之又云劉七覬知太監谷大用伏羌伯毛銳等駐軍臨清復擁眾走霸州

嘉靖元年壬午青州盜起流劫東昌臨清指揮楊浩死之舊志

臨清縣志

大事記

六

三年甲申春正月朔山東地震是歲山東旱臨清饑明史

二十一年壬寅兵備副使王楊監修土城舊志

二十二年癸卯封德懿王祐榕子厚燭為高唐王孫載璩為臨清

王明史諸王表

二十八年己酉春三月臨清大冰雹損房舍禾苗明史

三十年辛亥布衣謝榛脫濬人盧柟於獄結詩社於都門士林宗

之榛臨清人見人物志

衛河決壞民廬稼舊志

三十九年庚申大旱民轉徙舊志

四十年辛酉州人方元煥纂修州志邑有志書可考自此始

萬曆二年甲戌臨清王載堃薨

明史諸王表

五年丁丑載堃子翊銓襲封臨清王

二十六年戊戌以中官馬堂為臨清權稅使

明史

二十七年己亥馬堂督稅臨清率諸亡命標掠人產業臨清民變

焚堂署斃其黨二十七人邑人王朝佐仗義自承免眾於罪閣

境立祠祀之

朝佐見人物志

三十五年丁未大雨西城圯街市行舟

舊志

三十八年庚戌以德藩翊銓子常瀝襲封臨清王

四十四年丙辰秋九月盜大起冬十一月命蠲本年存留夏稅折

徵臨清德州二倉米

通志

臨清縣志

大事記

七

崇禎三年庚午秋七月叛兵五百餘人自臨清北入邱縣大掠新

店集

東昌志

十四年辛巳秋七月臨清運河涸

明史

十五年壬午冬十一月清兵下臨清前太常少卿張振秀死之

通志

振秀邑人

十七年甲申三月詔封總兵吳三桂平西伯左良玉

邑人有傳

寧南伯

唐通定西伯黃得功靖南伯給勅印召唐通劉澤清率兵入衛

澤清移鎮彰德因縱掠臨清尋封澤清東平伯澤清得封始離

臨清

舊志

闖寇李自成全陷山西傳牌收取山東遂北入京師於臨清設

偽官授事月餘自成事敗時兵科監軍凌嗣在臨清五月初十日率衆並擒之悉擒遠近偽官舊志

清

順治元年甲申夏五月命戶部右侍郎王鰲永招撫山東河南秋

七月王鰲永報東昌臨清等郡以次撫定通志通紀

二年乙酉命木鄂統兵鎮守臨清駐衛河西次年詔還舊志

五年戊子命冬尼率兵屯牧臨清駐舊城內分城東臨清清平與

之明年移駐德州舊志

六年己丑巡撫呂逢春勦辦商河長清臨清土寇渠魁徐青頭杜

全等伏法通志

臨清縣志

大事記

八

夏六月邱縣土寇襲城不克得大名滿兵會臨清兵平之東昌通

九年十年秋均大水

十年癸巳裁臨清壽張等營官弁通志

康熙七年戊申夏六月十二日異風自北來拔木傾屋十七日晚

地大震自東北起震移時人不能立盆甕水皆傾出舊志

十年辛亥秋七月蝨螻害稼舊志

十一年壬子秋蝗舊志

重修州志成知州于睿明董其事

二十三年甲子裁臨清營都司通志

二十八年己巳清帝南巡路經東昌臨清等處豁免舊欠丁賦是

年旱又免本年錢糧十分之三舊志

四十二年癸未衛河自南水口決是年南巡所過聊城臨清等處

通行蠲免去年未完丁漕舊志

四十四年乙酉修運河堤通志

雍正四年丙午修運河堤插濬馬頰徒駭河通志

夏四月雨雹二麥灾舊志

八年庚戌改臨清營守備缺為都司通志

秋七月七日衛河決江家莊奉旨賑恤舊志

十二年甲寅增運河千總把總邑有河汛自此始通志

乾隆元年丙辰秋七月一日地震舊志

臨清縣志

大事記

二年丁巳衛河決偏灾蒙賑恤舊志

四年己未衛河決蒙賑恤舊志

十四年己巳重修州志成知州王俊董其事

二十二年丁丑夏六月衛河決舊志

二十四年己卯秋七月衛河決舊志

二十五年庚辰秋有年舊志

二十六年辛巳秋七月衛河決舊志

二十七年壬午清帝南巡蠲額賦十分之三凡民七十以上者皆有賞賚舊志

三十年乙酉清帝南巡蠲免額賦有差

三十六年辛卯清帝東巡蠲免額賦有差水冲沙壓鹽鹺地畝錢漕概予豁免

三十八年癸巳明老人白英導汶濟運有功為設奉祀生以其子通孫承襲志

三十九年甲午秋九月教匪王倫犯臨清知州秦震鈞副將葉信

參將烏大經竭力守禦旋經巡撫徐績大學士舒赫德奉命會

剿冬十月匪平王倫者壽張奸民也繼白蓮教徐鴻儒運氣治病煽惑愚氓教以拳勇往來魯豫之間結納亡命黨徒至數千人時值承平日久人不知兵又

清廷方用兵金川各地備虛賊觀臨清富庶乃於是年八月二十八日夜起事陷壽張城劫獄搶庫銀逼脅官吏知縣沈齊義罵賊不屈死遂運陷陽穀堂邑等縣死難者堂邑知縣陳枚

訓導吳璵遊擊趕福縣丞劉希燾典史方光祀等未幾巡撫徐績奉命會剿賊圍之於梁家淺兗州鎮總兵惟一馳援以兵三百擊賊於柳林不利於是賊結筏渡運河九月初七日襲據臨

清土城（舊志謂新城）踞大寧寺鈔關署及汪家大宅分佔杏園千戶營塔灣各村在花園等處造浮橋三夾河聚守伴禁殺掠以車三百輛填塞街衢十餘日脅壯丁三犯磚城（舊志

謂舊城）西南二門用牛車載秫秸焚燒城門賊蜂擁城下署知州秦震鈞副將葉信參將烏大經千總孟大勇自城上鎗礮並施礮賊三百餘人磚城賴以無恙甲戌賊衆千餘腰插紅旗

手挺大鎗直撲衛河西岸官軍副將瑪爾清阿督遊擊武靈阿射中賊目三擒斬數百是時欽差大學士舒赫德統京兵健銳火器營及吉林善射手五千人至自攻東面又各郡兵漸集四

面圍勦丙子夜五鼓瑪爾清阿總兵萬朝興焚毀賊浮橋殺傷甚衆搶過衛河東岸都司張世富率回兵白虎回民洪印洪全截擊三岔河口堵殺賊數百溺水死者不可勝計副都統伍什

臨清縣志

大事記

十

布自東南面入城左都御史阿思哈統兵接應分進各街巷大肆剿殺奪獲大礮一斃賊無算侍衛巴圖保護軍統領春寧自塔灣入射殺賊目一擒斬四五百人額駙拉旺多爾濟分赴各村搜殺逃賊窘急敗竄土城內短兵巷戰後踞汪宅死守侍衛音濟圖伊琳翼長保倫縱火焚攻擊斃女匪無生聖母及扑刀元帥楊五二人前鋒綳阿爾圖等焚毀賊巢直入屋內音濟圖生獲王倫幾出矣突有悍賊數十人至力奪之去音濟圖等八人俱受重傷翌日賊首王倫登樓自焚死伍什布入內搜捕獲偽元帥孟燦和尚梵偉及王經隆閻吉仁吳清林李旺各要犯檻送京師凡一月六日而賊平事後大臣奏准未完錢糧悉數蠲免並發給貧民四月口糧計穀二萬七千三百餘石復頒損毀房價銀二千三百餘兩

四十年乙未春旱秋穀大熟舊志

四十一年丙申清帝東巡蠲免額賦有差 賞男婦年七十以上

者各有差 軍流以下人犯減等發落 麥大稔舊志

是年升臨清州為直隸州領武城夏津邱縣三縣

四十三年戊戌濟衛河上源及於汶水通志

四十四年己亥夏六月衛河決舊志

四十五年庚子清帝南巡蠲逋賦減徒刑
四十九年甲辰清帝南巡蠲逋賦減徒刑

五十年乙巳養高年減徒刑賞給窮民六七兩月口糧以上舊志

重修州志成知州張度鄧希曾先後董其事

五十一年丙午春正月朔日有食之

二月運河牘工告成

夏六月大旱饑出貸倉穀

秋大疫

五十三年戊申春奉諭山東運河每年回空時確勘疏濬通志

六十年乙卯春正月朔日食望月食通志

臨清縣志

大事記

十一

嘉慶六年辛酉大水

十三年戊辰春二月山東運河各工奉諭歸沿河州縣衛疏濬通志

十五年庚午春正月風霾晝晦

秋九月復山東漕船冬兌春開例通志

十六年辛未蝗 饑

十八年癸酉夏大饑

秋九月河南滑縣教匪倡亂山東曹州賊起應之州境戒嚴

十一月疏運河

二十一年丙子通飭州縣整頓保甲

二十四年己卯夏四月修運河兩岸堤工

道光元年辛巳春正月彗星出西方

夏六月蝗

秋九月州境鍋市街火延燒舖房二百餘間

二年壬午夏六月衛河溢武城河決

三年癸未夏六月衛河決十餘處民宅行舟

十年庚寅夏閏四月地震有聲二十三日戌時有聲如雷自東北方起屋舍震動河水簸揚

十一年辛卯大旱

十二年壬辰裁州稅課大使及司獄官

秋濬運河通志

十三年癸巳奉諭嚴查內河漕船積弊通志

臨清縣志

大事記

十一

十四年甲午夏四月大風折木

五月整頓泉河蓄水濟運通志

十八年戊戌秋七月螟虫傷稼

八月霜

十九年己亥夏五月緩徵新舊額賦

二十二年壬寅旱 雹

十月緩徵災區正雜額賦

二十四年甲辰夏六月臨清等州縣水通志

緩徵新舊額賦

二十六年丙午夏六月臨清等州縣旱

風通志

緩徵新舊

額賦

二十七年丁未夏六月道憲莅臨剔除臨關積弊

二十八年戊申夏六月州境大水 緩徵新舊歉收額賦

二十九年己酉春正月緩徵上忙額賦

三十年庚戌春正月朔日有食之

秋九月貸汶衛兩河修堰銀

咸豐元年辛亥夏四月知州陳寬建修考棚成

秋七月豐北黃河決口水漫州境

冬十月添修運河工

十一月蠲水災額賦並給災民口糧房屋修費通志

二年壬子夏四月奉諭山東下游被水州縣災區較廣派藩司專

臨清縣志

大事記

十三

辦賑務通志

三年癸丑春三月地震

冬十月桃李華葡萄實

四年甲寅春二月粵匪由館陶進通州境參將吉星阿等力戰死之

三月十五日粵匪陷州城官民悉遭屠殺知州張積功都司武

殿魁等死之

先是粵匪北犯深入河北阜城繼以孤軍待援乃密令安徽賊黃生才曾立昌等率十五軍北援阜城遂渡洪澤湖犯山東擾鉅野陷金鄉乘勝分

竄趨莘冠館陶各縣進通州境是年三月初二日賊先鋒至頭牖口翌日大隊集營城西南一帶頃刻而就凶悍異常當是時山東巡撫張亮基至營城東八里莊在黑莊與賊接觸

欽差大臣勝保至營城北柳家莊將軍善祿至營城東北石槽莊山東布政使崇恩至營城東北張官屯均逗留不前旋勝保劾亮基黑莊之戰冒功罔上奉旨遣戍以崇恩升任巡撫入居

城中賊踞城南分其隊為一一抵官軍一攻城先是有四川降勇四百餘人溷入城內暗與賊通初五日黎明賊從地道轟南門襲城都司武殿魁督勇力禦之城得不陷城內兵民洶湧擬

啟北門遁而門已屯閉隙不容咫踐踏死傷者無算殿魁斬數人勢稍定無何知州張積功投井以殉救之出氣息僅屬崇恩恇怯先逃紳民叩馬苦留不顧而去此後賊穴城西南隅實以火葯仍相機轟炸十五日夜三鼓月色慘淡無光賊營聲與城上刁斗聲相應僅殿魁四巡邏俄而霹靂一聲城坤隅陷賊蜂擁入時殺聲火聲哭聲相雜聞十數里團勇魏銘力戰死都司武殿魁殺賊力竭自焚死知州張積功學正單爲憲副將慶順慶德都司徐廣勇皆殉焉至二十九日賊拔隊而南四月初九日抵單縣全股猶三千餘官軍躡擊殲之於豐北決口化山河干是役也蕞爾一城死難官紳五十六員兵民八千七百三十一名婦女七千六百四十一口失姓名者尙不可僕指數後均得旨祀昭忠祠至今城北城東各方數塚累累屹然而高

大者卽瘞殉難官民處俗曰萬人墳每當天陰月黑猶呈愁慘氣象而城內廟宇廢署市廬民舍悉付焚如榛莽瓦礫百年間元氣不復洵建城以來未有之浩劫也

以董

步雲代理知州

夏四月粵匪南竄官軍躡擊奏報州城克復

署理知州崇

亮至

五月河北阜城連鎮匪回竄陷高唐知州魏文翰死之夏津大

擾州境戒嚴

臨清縣志

大事記

十四

六月知州周承業至

秋七月賑州境及冠縣難民口糧

冬十月修運河堤工

五年乙卯春二月僧格林沁收復高唐賊竄踞在平之馮官屯旋

卽蕩平州境以安

夏六月州境大水

以河南銅瓦廂黃河溢由東明直注荷澤分流至張秋鎮穿運歸大清河入海故曹州濟寧東昌以下皆水

秋七月截留漕糧五萬石備賑 又截新漕二十一萬石並

上年捐穀八萬八千餘石及省城收儲麥穀豆四萬七千餘石

賑被水災民

通志

是年濟東泰武臨五十四縣災並德臨東

濟四衛三場錢糧均免

冬十月奉勅建昭忠祠成在城東門內迤南祀上年殉難官弁及紳民等

七年丁巳夏四月知州張延齡至

六月飛蝗蔽天禾稼都盡 大饑

八年戊午春二月僧格林沁籌防陸路及運河宣洩事宜通志

三月大饑人食麥苗 大疫

夏四月黑風自西北來麥歉收

十一年辛酉春二月黃旗教匪孫全仁等擾邱縣知州張延齡副將長慶督兵赴援擊走之

夏四月通永鎮伊綿阿將兵至駐州城南 堂邑教匪宋景

詩擾衛河以南知州張延齡率勇堵禦之

臨清縣志

大事記

十五

五月彗星見西北方

六月代理知州彭垣至

冬十一月勝保擊宋景詩於衛河南降之

同治元年壬戌彗星見西南方

冬十一月降匪宋景詩復叛擾州城南

二年癸亥夏六月叛匪宋景詩北渡汶河將軍恒齡迎拒於城南

藥王廟街此條前記未詳書之以備參考 太白晝見

秋八月僧格林沁督兵至州叛匪宋景詩敗走宋景詩堂邑縣西北小李官莊人常習拳棒與

館陶縣王占基友善王因案繫獄宋與死黨十八人劫獄官捕之急遂招無賴聚而為盜初僅掠飲食搶貨財繼則赴隣村索鎗刀要馬匹名曰打糧揭竿而起號黑旗隊其衆日多遂不可制後經勝保擊降帶赴河南宋索餉而譁值勝保逮問宋復叛回擾冠館堂邑等縣進踞州城南車營街一帶親王僧格林沁命其黃先鋒來勦黃視爲土匪不足平方在焦庄西松林內避

暑宋於林之南遠豎旗幟為疑兵陰率死黨自禾稼內分道掩襲黃軍棄甲奔逃直至州之頭
窟口始敢稍息自此宋聲勢愈熾於是城鄉士紳遂竭力辦團與賊抵抗當是時焦庄忠正團
與堂邑柳林之永清團范寨之尚義團合議會剿在焦庄西擊賊大敗之賊因傷亡過眾與三
團結為深仇故三團之村庄房舍被焚頗多如是者數年嗣僧親王統軍來剿大戰於堂邑西
北武家庄西輒密間僧王命其先鋒隊挑戰賊中有所謂楊二馬鬃狼頭罐肉翅勝者尤驍勇
官軍屢進屢却某日自辰至申勢幾不支僧王乃褫其軍官職銜令帶罪圖功並命五百紅孩
子軍為先鋒即拐子洋鎗隊號為常勝軍者下令總攻王坐審上建大纛督戰戰至數合賊始
敗竄數縣之民慶更生焉或曰宋敗後投叛練苗沛霖又投亳州捻匪同治十年總兵劉永清
誘至州醉而縛之乃伏誅夫宋本市井無賴初作難僅十八人卒至擾亂數縣為患四年以僧
邸軍容之盛如獅子搏象僅乃勝之卒未聞殲厥渠魁設非鄉團抵禦則數縣人民不堪其擾
矣

九月知州張應翔至

四年乙丑春正月雨雪有雷聲

五年丙寅夏四月大雨雹

六年丁卯夏四月夏津知縣郝植恭兼理知州

臨清縣志

大事記

十六

五月捻匪竄東省院撫英翰督兵防河駐州城南

先是鮑超劉銘傳會剿捻匪旋逼豫

境豫撫李鶴年檄提督宋慶等軍扼賊不令趨東北二月下旬賊欲東走楚督李鴻章東撫丁寶楨乃有重扼進河之議三月皖撫英翰酌調張得勝黃秉忠程文炳三軍進紮宿遷至灘上運西以備接應由是英翰駐兵州城踐踏禾稼蹂躪農民有兵甚於賊之嘆

是月代理知州方傳植至

秋七月頒欽定經史於州學

七年戊辰春正月西捻張總愚北擾巡撫丁寶楨帶兵赴援

是時李鴻章丁

寶楨會籌運河防務修築河牆圍剿捻匪州境居直東要衝紳民籌備供給應付煩擾

二月知州陶紹緒至

夏四月三元閣前火葯船炸碎隣舟數隻傷人無算

大名鎮炮船泊於三元閣乙未

晨爆炸聲若巨雷河水逆流空中墜人肢體石壩毀

秋七月張總愚投水死捻匪蕩平直東一律肅清

八月以擒匪擾害免民欠糧賦

八年己巳夏五月大旱

秋七月籌補常平倉穀

八月知州周不灃至

冬十月邑人張容九世同堂母孫氏六世同堂山東學政于建章表其閭並聞於朝

九年庚午夏四月無麥

六月知州周不灃挑引河於衛水東岸

秋九月霪雨八日始止無禾

十年辛未春二月知州孫善述至 東昌在逃匪首宋景詩在

臨清縣志

大事記

十七

皖就獲伏法據通志錄入說與前異

夏六月衛河決於塔灣

秋九月代理知州方鳴皋至

冬十月署理知州王其慎至

十一年壬申春正月修運河堤工

秋七月署理知州鄧煥至

十二年癸酉春二月知州葛恩榮至

夏六月雷擊州城南門樓壞

光緒元年乙亥春三月知州洪用舟至

夏六月大饑

二年丙子春二月署理知州郭定柱至

夏六月署理知州王其慎至

大旱是年旱災頗重官紳籌辦賑濟關卡釐稅悉免

三年丁丑春正月知州郭定柱至

夏五月大饑連年荒旱民食樹皮殆盡死者無算

閏五月十七日雨澤降

秋九月知州洪用舟至

四年戊寅夏五月旱 大饑

秋七月飭查旱災籌辦賑濟招商購米免關卡釐稅

五年己卯春三月水嘯川澤及器皿之水皆動盪有聲

六年庚辰春正月知州王其慎至

臨清縣志

大事記

十八

二月遵諭籌設電線桿及電報分局

秋七月歲大熟比戶出粟儲倉穀

九月重修考棚

冬十月籌設粥廠在碧霞宮

七年辛巳夏六月大雨雹

秋九月籌辦積穀巡撫任道鎔督辦甚力

八年壬午秋七月彗星見東南方

九年癸未夏四月署理知州彭虞孫至

秋七月衛河決胡家灣尖塚鎮

又決江莊同時汶河決劉將軍廟前壞民廬舍無算二里

堡南北岸皆決

冬十月奉諭撥部銀四萬兩賑濟災民是年黃河漫溢歷城齊河惠民等縣均被水

十年甲申秋八月知州王其慎至 汶河水大漲

十一年乙酉秋七月大雨平地水深尺餘

十三年丁亥夏四月某夜馬市街火時值廟會因商家不戒於火延燒五六十家一晝夜始熄

十四年戊子春正月代理知州許桂芬至

夏四月知州陶錫祺至

五月地震

十五年己丑夏四月築南水關衛河東岸堤州委明三里董事沙炳督工二十餘村永利賴之堤長四百餘

丈 匪劫南水關稅廳委員戴華軒死之

十六年庚寅夏五月衛河決胡家灣

臨清縣志

大事記

十九

六月衛河決塔灣大營村張家窰

冬十月州設牛痘局四處尖塚尙莊下堡寺碧霞宮

十七年辛卯秋七月蟲傷禾

十八年壬辰夏五月飛蝗入境

六月蝻出 衛河決賈家口大營村又決江莊同時汶河決劉將軍廟前磚城南北

西三門皆水壞民慮舍無算

秋八月奉諭蠲緩本年額徵錢漕

九月以皇太后萬壽節近頒覃恩詔邑人柳允焯趙梅李宴林

皆五世同堂例領恩賞又郝憲章妻張氏五世同堂壽九十一

歲洪大祥妻楊氏百有三歲均援例給賞有差

二十年甲午夏六月代理知州許桂芬至

冬十一月知州陶錫祺回任是年中日交戰我軍失利次年割地賠款士民恥之州人知以外患為慮自此始

二十一年乙未春三月盜劫州署初知州陶錫祺招降劇盜盧池絨毛鷄等令帶衛隊捕匪首張五斬之其黨憾甚思復仇夜踰

城入盧等拒戰甚力匪不支遁盧率部追至堂邑之鬪虎屯獲數人戮而肆諸永清門

夏六月代理知州許桂芬至清理滯獄冤民感之

秋八月建陶公生祠於衛河西濟陶公錫祺在任前後六年遺愛在民政績有傳

是年聘四川進士尹殿颺主講清源書院以六書課士由是臨

人漸知小學空疏學風至此一變

二十二年丙申夏四月義丐武訓卒訓堂邑人以乞食創建三縣義學積勞卒於州境御史巷義學內年五十有九事蹟

詳教育志

臨清縣志

大事記

二十一

秋七月歲大熟

二十三年丁酉春正月知州王壽朋至

夏六月遵令籌辦郵政

二十四年戊戌春正月朔日食

二月詔變新法廢制藝改以策論試士建設學堂

夏四月巡撫張汝梅蒞州閱兵

秋八月皇太后訓政復制藝

二十五年己亥冬十月義和團即拳匪起於河北廣宗竄州境知州

王壽朋不能制仇教之案日多全境騷然

二十六年庚子夏大旱饑

四月拳匪煽動莠民焚燬殺掠州境大擾時值毓賢為山東巡撫繼拳仇教州境教民悉遁

六月拳匪焚燬蓆廠果子巷各教堂世職黑恩鑑率眾奮拒於

油簍巷擊却之時拳匪設壇於二開口大王廟及各大寺觀遊街示威民衆遇之悉跪於道匪衆舞蹈若狂指稱關公或張桓侯降壇煽惑愚盲一日指良民

為奸細戮於碧霞宮士民無不哀怖均閉戶不敢出

秋七月知州杜秉寅至時方歲饑莠民與拳匪合以均糧為名砍毀電桿劫掠郵政商船公至嚴申禁令弭平之

八月霖霖害稼奉諭分別蠲緩本年額徵錢漕

冬十月知州杜秉寅親查四鄉保甲法令嚴峻犯者立誅州境以安

十一月南漕折運貯米於倉知州杜秉寅開倉賑濟民困頓蘇

十二月聘高密舉人傅丙鑑為清源書院山長傅公以古文學勵後進由是士重經術尚節義

二十七年辛丑夏六月遵查州境教堂被燬緣由分別撫卹之教

臨清縣志

大事記

二十一

案始結

先是光緒十七年知州陶錫祺查明呈報各教堂教士姓名案內查得州境教堂五所蓆廠街教士秦瑞恒果子巷教士金發蘭皆耶穌教美國人陳家小灘教士尹梅達英國人小蘆村倉家莊教堂二所教士費雲龍法國人又油簍巷施醫院一所教士衛各納美國人馬市口講演堂一所美國所租嗣於二十六年准巡撫袁世凱扎查境內拆毀焚燬教堂案遵查果子巷美國教堂一所侯理定甘雅各先時走避教堂自行封閉大古巷倉家莊會通街法國教堂三所均歸省城馬教士管轄房屋器具均未毀蓆廠街及施醫院被拳匪焚燬無存教士秦瑞恒金發蘭均先經走避小蘆村法國教堂亦被拳匪焚燬無存教士費各悉早經回國其撫卹教民賠修各費已經知州杜秉寅辦理完結矣

秋九月詔停武科並童試

通志

冬無雪

二十八年壬寅春正月詔廢制藝改試策論經義

二月署理知州莊洪烈至士民饑送杜公攀轅遮道者數萬人二公均有傳

三月清源書院停課改設校士分館聘江陰舉人陳名經主講

席考選諸生入館肄業

夏四月黑風拔木無算

六月大旱自二月至六月不雨

大疫

是時亢旱饑饉相望每日因疫死者達百餘人知州莊洪烈捐俸設局施藥施棺建醮設壇虔誠驅疫全活甚衆

秋七月遵令改義塾為蒙養學堂城關鄉共二十五處

九月建臨清中學堂

以鄉耆孫毓機冀瀾為監修員自七月至十月工竣地址在臨關左近今為縣立第一高等小學

詔裁

州判及衛官缺

頒行保甲法

州境界連直豫廣宗亂後餘孽多竄州境知州莊洪烈編查保甲嚴清窩緝擒捕多

名民間獲安

冬十二月續設牛痘局四處

二十九年癸卯春二月擬議續修州志聘膠州舉人趙文運為總纂

纂二年餘輯稿五本未克成書

臨清縣志

大事記

二十二

夏四月裁綠營制兵改練巡警

上年山東巡撫奏准裁撤制兵改練巡警臨清營制兵於本年四月一律裁撤即選警兵四十

名調省操練三月後發回原營專事巡緝至大小衙門酌留當差者作為餘兵協署月餉六分都司四分千把二分巡兵每名月餉三兩二錢餘兵每名月餉二兩四錢凡武職大小各缺照舊存留其制兵裁後巡警未設以前緝捕事宜以及巡護城池監獄解送人犯餉鞘一概責成州縣暫僱巡勇並酌撥裁兵之餉援例承辦

麥秋大稔

河水盛漲

六月籌設地方農會

會址在大倉西院

是年南漕折運裁東河總督及

運河道並裁開官開夫及濟寧東昌臨清衛所守備千總官

三十年甲辰春正月知州張承燮至

三月遵行錢鈔搭用銅元

夏四月山東巡撫袁樹勳奏准武訓義學改稱武訓小學堂

武訓

事蹟付國史館立傳

五月停辦校士分館成立高等小學堂附設師範講習所以孫百福為堂長

秋八月商務會成立以王繼覽為會長

冬十二月籌設閱報所

三十一年乙巳春二月遵令設罪人習藝所所址在大倉東院

秋八月停科舉及歲科試 停止刑訊

三十二年丙午春二月山東按察使連甲飭查武訓建學事實遵

令裁州學正缺

三月初級師範學堂成立附設高等小學堂以孔繁堃為監督

初在校士分館開辦旋移於考院街試院內州人孫百福趙一琴李伯驥先後主持教務

臨清縣志

大事記

二十三

冬十月建杜公秉寅生祠於汶河北岸

三十三年丁未春二月知州李維誠至

三十四年戊申夏五月大雨雹 大風拔木

冬十月城區巡警所成立添設崗警以劉逢霖為巡官所址在考棚東院

宣統元年己酉春正月山東省諮議局成立州人李蔭棠當選為議員

二月選送自治人員到省訓練籌備地方憲政州人洪國士等送省入所講習一年畢業回縣

籌辦地方自治講習所

冬十一月遵令籌設州議事會

二年庚戌春正月開地方教育會遵照議決案籌備改革事宜

二月知州金猷大至

三月州議事會成立

洪國士潘景賢為正副議長遇有地方要公仍以紳耆冀瀾為領袖田希孟單治平等贊襄一切會址在南司口書院

夏四月州人張樹德姜琳等設秘密書報社宣傳革命運動二人

先均加入同盟會於邑中革新事宜領導羣衆振刷一切

秋八月遵令籌設勸學所

先是地方教育由邑紳冀瀾主持至是以于占元為所長地址在考院街路北

冬十月州學訓導孔繁堃考試份生

藉籌教育經費每名份生捐貲五十元共捐金三千餘元增設蒙養學堂十餘

處並折考棚建小學宿舍數十間

三年辛亥春正月遵辦本年歲出歲入預算度支不得溢額

夏閏六月知州繆潤猷至

秋八月二十日武昌起義舉黎元洪為都督州境黨人開會慶

祝

臨清縣志

大事記

二十四

九月二十二日山東獨立州議會致電響應

冬十月雷電以雨

是月初四日山東取消獨立防制黨人頗嚴州人姜琳李康祖等仍促進革新

十二月二十五日清帝遜位中華民國統一政府成立改用陽

曆

民國元年二月知州阮忠模至

此後紀事但書年月不書春秋甲子

四月中學師範兩堂學生一律剪髮並提倡女子放足

議

事會改組

以鄭博學為正議長田希孟為副議長

七月教育會開成立大會

會址在鰲頭磯甘棠祠以陸玉麟沙明遠為正副會長

單級教授養

成分所成立

所址在文昌宮後移於考院東院以于占元為所長

十一月頒行地方官制知府知州及一切佐貳官皆廢

遵

令組織政黨自同盟會改組國民黨後學界團體多半加入與共和統一各黨對峙

十二月舉行第一屆國會議員及省議會議員總選舉以縣署為初選區東

臨道署為復選區邑人張樹德當選為省議員

二年一月奉令州改為縣縣官稱為知事

二月單級教授養成分所學員畢業 令改勸學所為視學

所

八月前州立中學堂遵令取消准改為省立第七中學堂以陸愷為校長

三年二月山東勸業道潘復蒞臨視察棉業

四月取消學堂名稱一律改稱學校

五月中學師範兩校均合併於聊城時省立第二中學第三師範學校俱設於聊城本縣中師兩校均取消

臨清縣志

大事記

二十五

六月縣立模範兩等小學校成立以冀鴻勳為校長校址即前省立第七中學

八月聊城駐防後路統領李德厚蒞境視察防務先是民國九二兩年土匪肆擾經統領方致祥以次勦平本年八月桿匪顧德林又擾魯西各縣李德厚歷次派員蒞臨視察並派第三營帶田忠信力倡團練購備鎗支民團精神為之一振是為本縣民團之始

十月籌設縣立女子小學校本邑女學初由耶穌教堂創設於席廠街繼由王金方籌辦於紙馬巷又經王澄清呈請立案招生

開課邑有官立女校自此始旋即停辦

四年二月舍利塔火城北舍利塔係明萬曆間建是月某日微陰雨塔之第七層通天柱焚城內水會聞警救之熄翌日又焚三四日連焚知事阮公禳

之而熄蓋塔歷久失修木蘊有電火自內生熄亦偶然非禳之效也 春旱多暴風 小學教員講習所

成立所趾在考棚東院以鍾啟元為所長

是月二十八日結集救國儲金團時值城隍廟會邑人丁紹九等乘機演說鄉民大為感動一日得救國儲金四千餘

元發商貯蓄

六月查驗日貨團成立

本年五月七日日本以二十一條激成全國公憤

八月復設電報局

清光緒初年邑中曾設電報分局二十六年電桿為拳匪所毀局停辦今復設

五年一月一日袁世凱登極改元洪憲

縣署復現帝國儀式

三月乙種蠶業學校成立

校址在鈔關街今第一高等小學北院以澹台振綱為校長

復改視學所為勸學所

五月帝制取消黎副總統繼任為總統

八月知事郝繼貞至

十月山東省立第一棉業試驗場成立

場址在縣東門外教場

六年二月知事王瑞菴至

四月張勳康有為入京復辟詔豁免雜稅

邑奉敕懸旗旋即取消

臨清縣志

大事記

一二十六

六月清真小學校改為模範兩等小學校

校址在西南關老禮拜寺潘似江為校長

衛河決張家窩

七年一月棉業講習所成立

所址在棉業試驗場西

四月省立第十一中學校成立

以范步瀛為校長校址在考棚街即縣立高等小學校址高等小學移於南司口書院

五月舉行第二屆國會選舉

邑人沙明遠當選為眾議院議員

七月城西南關東夾道火延燒舖房十三家

八月武訓學校改為私立高等小學校

以王丕顯為校長

十一月知事楊鳳玉至

十二月中央發行短期公債及六釐公債

由商民分擔數量

八年二月知事楊鳳玉剿悍匪張三於水坡村

該匪嘯聚於河北威縣一帶縣長派警備隊長陳象

堃前往會同陸軍合圍焚燬賊巢死傷無算餘均遠颺

三月城鄉自衛民團成立

鋼鎗三千枝團丁二千八百名計分四團每團設分局十四處一律開始教練為本縣警備隊之濫觴

七月山東督軍張樹元蒞境檢閱軍備

獎勵團練出力人員

十月籌設清鄉局

地址在丁字街城西第一區團長劉紹棠痛擊匪巢中彈身隕

九年一月四日黑風晝霾

三月武訓學校添募基金

由車震沙明遠等繼續分募共得基金三萬餘元

四月奉令成立勸業所

以澹台振湘為所長

五月大總統頒給武訓學校匾額

七月旱大饑

八月縣立高等小學校遷於候家寨

以張迺清為校長十一年又遷於城西趙莊

臨清縣志

大事記

二十七

九月華洋義賑會派員蒞境勘災放賑

派委員麥仲華由沙明遠導引查勘東臨十四縣災况縣境分得賑

款二十餘萬元

十月旱災籌賑會成立

推孫毓璣車指南馬緒曾為會長由黑守知王丕顯等分赴京濟呼籲崔長楷孟毓琦等晝夜籌辦分配施賑

十一月創修德臨臨館汽車路

以工代賑

十年二月籌設因利局周郵災民

以崔長楷沈聲遠為正副經理

五月舉行第三屆國會及省議會選舉

邑人張紹和施登魁當選為省議會議員

七月師範講習所成立

以李汝清為所長所址在南司口書院

十一年一月武訓學校添建校舍落成

三月縣立模範兩等小學校改稱縣立第一高等小學校

附設高級女子

部

四月自治講習所成立以張思斌為所長旋停辦

九月縣立高等小學移於城西趙莊改稱縣立第二高等小學

校由段長賈健明捐地六畝磚萬方建築該校以鉉道盛為校長杜公祠道院成立車震發起

十二年二月邑人籌設中日絕交會

五月知事李耀庭至李聽斷才長案無留贖雖在任不久頗有賢能聲

七月知事王德懋至

八月令勸學所改稱教育局電請省署派隊剿匪許十一張

二天爺等到處搶架勒贖駐軍劉營長不能制後電請省署派第七旅旅長胡翊儒率全部來援又請駐聊第四旅團長王克鴻率隊協剿乃殲匪於城西胡莊是年

供應軍隊糧秣及一切雜項共支洋二萬八千餘元據採辦糧秣專員報告

十三年一月知事劉聞堯至

臨清縣志

大事記

二十八

二月縣立第三高等小學成立於城南荆林以顏景嶽為校長

六月武訓學校由財政廳歲助經費五百元

七月改勸業所為實業局以商禎祥為局長縣立第一女子小學校成

立以崔肇祺為校長是校先附設於縣立第一高等小學至是獨立校址在紙馬巷十九年又遷南司口書院

十一月雨雹

十四年魯督張宗昌發行公債五十萬元又加派營房費四萬元

七月福臨電燈公司成立由烟台臨清商家合股集貲二萬八千元開辦地址在南灣子以南

九月魯督張宗昌因編預備隊徵去警備隊槍二百九十七枝

馬二十四 奉軍蒞境大擾

十二月特設軍事招待處由地方公推數人支應軍隊自十四年十二月訖十六年四月共由該處支出洋四萬七千九百餘元

十五年一月籌設世界紅卍字會臨清分會

魯督張宗昌又

派討赤特捐二十萬元

六月知事李傳煦至

七月大風拔木發屋

是日為夏曆六月初五日先是大風從西北來霖雨交加數日不止禾偃木拔室廬多毀是日午後七點地震十分鐘舍屋蕩

搖及雷鳴始已

停辦師範講習所改設幼稚園

本縣有幼稚園教育自此始

八月國民黨直屬第一區分部成立

歲大熟

本年春間城西各區試種美國棉種

成績頗佳於是比戶多置軋棉機器並有鑿井計劃

十六年六月直魯聯軍軍長褚玉璞以防堵大名紅槍會過境開

慰勞會犒軍

七月奉軍第十一師師長劉偉蒞境駐防大擾

臨清縣志

大事記

二十九

八月籌開全縣代表大會

乘機設縣黨部組織區分部九處區黨部三處

九月知事張炳元至

十月縣立第四高等小學校成立於城西呂寨

以崔登雲為校長

十七年二月國民革命軍擊却直魯聯軍於大名縣境戒嚴

縣立第五高等小學校成立於城西下堡寺

先是民國十三年八月成立臨館合校於尖塚鎮以

趙清安為校長至是遷至城西下堡寺定為今名以張寶山為校長

四月直魯聯軍各路軍師長褚玉璞寇英傑卞英傑徐源泉等

集於境旋即北遁

五月縣立第六高等小學校成立

由縣立乙種蠶業學校改組校址遷於文廟街學署內以馬稱德為校長

國民第二集團軍十三軍軍長張維璽兵入境大破敵軍於西

河灣 奪獲軍械輜重無算境內安堵無擾

第二集團軍第八路總指揮劉鎮華率

萬選才劉茂恩各軍蒞境籌軍事借款二十餘萬元商民大震

萬選才收去警備隊鎗九十枝迫擊炮一門馬二十四匹

劉總指揮逕委各縣縣長及稅務員並

委丁家光暫代縣長 前任張炳元隨直魯軍潛逃時縣署檔案圖籍堆積於縣署後樓以無人保管多被焚棄 籌設地

方治安維持會 以委員二十一人輪推主席一人負責亦唯諾應付而已

六月第一集團軍第五路總指揮朱培德率熊式輝等軍蒞境

餉有餘而支應不累 奉令成立縣法院 本縣司法獨立自此始

第二集團軍兵站

總監金變三蒞境徵集糧秣由商會設支應處供給之 時以運銷毒品為餉

源對於軍事借款為數無多而財力已竭 戰地委員會委游壽愚為縣長 第二集

團軍第二路總指揮孫良誠率第十七軍軍長馬鴻逵蒞境 孫部

臨清縣志

大事記

三十

駐華美醫院月餘東去留馬軍長駐境捕治盜匪暫借十一中學為軍部

孫總指揮委賈路雲暫代縣長

旋以葛醒齋代之 葛係省政府委任 縣政府奉令取消班房舊制改

為政務警察 本縣有政務警始此

八月建築張家窩尖塚二處磚壩 改實業局為建設局

九月縣黨務指導委員會成立

十月馬軍長捐洋二千元創設育才兩等學校又捐洋一千元

補助武訓學校 育才小學校址在老禮拜寺即以前之清真小學校二十年八月遷於油蘖巷

十一月馬軍長率軍剿河北山東交界桿匪全股蕩平 擒獲匪首小羅成計

誘餘匪降之乘機戮於市 縣長何紀常至

十二月縣黨務指導委員會宣告結束 自是年五月後大軍蒞境黨政亟行籌加附捐攤派借款毀淫祠逐

尼僧禁總足破迷信分設各種協會勵行新政民氣張矣
惜戶口凋敝市面蕭條無具體方法救濟亦地方之憂也

是年褚玉璞軍過境

供給及辦公費支洋二萬三千四百餘元除還實支洋一萬二

千四百餘元第二集團劉鎮華孫良誠等先後至供給辦公費

計洋十七萬三百餘元事後呈財政廳批准償還十三萬五千三百元十七師軍長馬鴻逵至

供給及辦公費三萬二千三百餘元供給之繁為向所未有

十八年一月縣黨部執行委員會成立前後黨會組織詳黨務志內

二月馬軍長率全軍東上境防空虛桿匪王金發大股由聊城

堂邑北竄全境大震

三月魯西各縣縣城相繼失守境內民團晝夜防禦匪不敢犯

市面稍安是時齊河被匪攻陷官軍悉調集泰安附近以致魯西兵備空虛匪乘機糾合百餘名即佔據城鎮聊城夏津堂邑受害尤劇境內民團聞警悉心戒備並將

臨清縣志

大事記

三十一

馬部殘軍二百餘人裝束整齊聲威益壯境得安全

四月邑紳沈鳴九修本立冀潤泉等以辦理支應監禁經張樹

梅沙明遠等赴省營救電請釋放 魯西人民自衛團第四

區區長葛鳳章蒞境籌辦團練先是民國二年由田忠信倡練民團深資得力至是重加振刷

五月匪首王金發竄擾城南窪裡荆林各村架去學生及民戶

二百餘名損失財物四萬餘元縣城戒嚴

六月縣長王雲龍至

八月縣黨務整理委員會成立

九月縣黨部委員計斃土豪張貫一張積惡多端縣府有案某日晨黨委馬蓬萊孟達三等率警捕得之押於大隊

部翌晚給張解縣府收禁預設伏於隘俟張至托為劫案者鳴槍示威遂斃張於途邑人稱快

匪首王金發率匪十餘桿

繞衛河西而北潛圖渡河縣境大震

時飛電旅省邑紳請兵援救經省派團長梅鳳書到境與民團會勦旋以民團

計誘得悉匪情合力痛勦匪首各驚逃餘匪南竄

十月城區籌加六等戶房捐並定女子纏足分等罰金

十一月縣黨部截擊紅槍會於衛河西濬執會徒李宏印柏老

五等槍殺之

十九年四月假第四方面軍師長薛傳峯入境全境大擾

薛入境後即由石友

三部下軍長沈克電告薛係假冒於是縣長集合民團警隊合力擊之薛潛遁黨員牛寶元孟達三馬蓬萊等與縣長積不相能縣長乘機捕牛等送赴省城管押數月值晉軍入城牛等始

脫於難縣長亦他去

教育建設各局以黨政事變檔案悉毀

亂後乃委張樹梅為教育局長

崔熙敬為建設局長

五月縣長張鳳翼至

臨清縣志

大事記

三十二

六月城南馬趙莊白塔窰互爭河灘地經邑人調停以半價捐

入武訓學校

籌設紡紗工廠未成

議案存建設局

七月省府石友三徵去警備隊槍四十枝

縣長張文煒至

縣立第七高等小學校成立

校址在城北桑園以王森為校長

八月國民聯軍第三集團軍之殘部以濟南失利返晉過境旋

即西遁

九月縣長鄧樹楨至

前任張抗不交代幾釀事變經邑人調解內闔始息

十月縣長馬銳至

蒞任後奉令赴省入訓練所以袁勵杰暫代職務

十一月縣黨務整理委員會設保管委員

十二月臨清常關監督遵令裁撤

常關及統捐局一律停辦

二十年一月籌設村政訓練所所長由縣長兼任以劉彝忱為副所長

二月縣長馬銳回任

三月國術分館成立以譚祖安為副館長地址在大寺行宮廟

四月魯北民團軍總指揮趙仁泉蒞境駐防邑屬魯西範圍因縣城為戰守要衝趙君權量輕重

移駐境內附近桿匪繼續剿除夏津恩縣等處交通無阻

五月雨雹麥歉收時當芒種節前麥已大熟忽降雹灾歉收大半建設廳長途電話局及

建設局附設電話事務所成立本縣有電話自此始魯北民團軍委大

隊長陳子權駐清平松林鎮先是松林附近土匪出沒屢次截劫幾斷交通至是臨夏清二縣聯防築圩修路匪氣以戢

六月匪首梁景妮竄擾堂邑西兒莊魯北民團軍手槍隊長閣

及團兵邢因兜剿奮進陣亡全境紳民開會追悼重修縣志局成立臨清志書

臨清縣志

大事記

二十三

年久未修至是由邑紳張自清等提議重修地址暫借丁字街車宅後移於杜公祠西院

九月臨夏館清邱冠六縣聯立鄉村師範學校成立十九年六月省立第二職業學

校奉令停辦就該校舊址成立教廳委孫寶賢為校長

十一月建設局議築馬路前年縣黨部築考棚街馬路商民便之至是復議興築東起考棚街西至大寺西街南起會通街北至大橋街

匝月告成邑有馬路自此始

二十一年三月奉省令劃臨清歸魯北防區本縣前屬魯西茲為肅清匪患控制便利起見特由省令劃歸

魯北

六月城西南關竹竿巷火是月五日晨火起下午日晡始息延燒二十餘家商民損失財產無算事後由各慈善團體力籌急賑

劉匪桂堂過境閹邑戒嚴劉眾約數千自高唐清平竄邑之東南鄉沿途劫掠時境內兵備單虛人心惶怯幸經聯莊會副會長張自嚴

調集團丁率隊抵禦匪知有備始由堂邑等縣竄赴河南邑境賴以安堵

八月縣立第八高等小學校成立校址在城西南朱莊以朱輔宸爲校長

十月縣長徐子尙至

十一月開新西南門由磚城西南隅開門名曰博源門其間所闢新路城內抵縣政府前城外抵江瀾名曰新開街交通稱便

闕

公共體育場在東河底

十二月縣法院改爲濟南地方法院臨清分庭

二十二年一月奉省令改財政建設教育三局爲第三第四第五

等科直隸縣署

六月新築永豐永備二倉成倉址在縣署內積穀九千餘石建倉購穀均用軍事還欸

七月修築鐵窗戶北段及大營磚壩

九月縣長奉令查無糧黑地令各花戶自行呈報由縣長察看地畝肥瘠分上中下三等繳價上地每畝六元中地四元下地二

臨清縣志

大事記

三十四

元三年後升科初令城內宅地均按上等繳價後又奉省令退回四鄉黑地多按下地繳價已呈報者均未退回

二十二年一月奉省令成立進德分會會址在公共體育場北由趙指揮徐縣長提倡建築大廳五間辦公室十餘間

大廳左右武訓與趙指揮紀念亭各一 劉匪桂堂過境第九區民團迎擊失利劉匪衆約數千

人自熱河回竄後所過焚掠由南宮清河直撲縣境至姚樓與第九區民團遇民團竭力抵禦卒因衆寡不敵傷亡團丁十九名損失鎗械二十餘枝匪遂西竄嗣經魯北民團指揮部督率鄰境軍團追剿匪始竄往河北曲周威縣一帶是役本縣損失頗鉅

六月浚運河省府建設廳擬定辦法並派員會同本縣第四科督率邑民分段挑挖月餘工竣

七月奉令規定以國歷八月二十七日爲孔子誕日是日中央派專員赴曲阜孔廟

致祭並令各地方保護孔廟以示尊孔

十月二十日奉省令取消民團大隊部

十一月一日奉省令將各區一律裁撤

又奉省令自本月十日起分期訓練聯莊會員

以三個月為一期第一期受訓期滿續辦第二期

三期總期二十歲以上三十歲以下壯丁皆受軍事教育以增厚地方自衛實力

成立臨清縣新生活運動促進會

會

本年五月奉省令成立新生活運動促進分會其運動初步綱領為整齊清潔簡單樸素以衣食住行範圍於禮義廉恥之中本月二十三日復依奉改組將分會名目取消成立是會

以符通則

又奉令將聯莊總會及各區分會一律裁撤

